

"ҚАЗАҚСТАН ҚОР БИРЖАСЫ" АҚ

Қазақстан Республикасы Ұлттық Банкінің
Қаржы нарығын және қаржы ұйымдарын
бақылау және қадағалау Комитетімен

2011 жылдың 17 маусымында

К е і л с і л д і

Қазақстан Республикасы Ұлттық Банкінің
Қаржы нарығын және қаржы ұйымдарын
бақылау және қадағалау Комитеті

Төрағасының м.а.

"Қазақстан қор биржасы" АҚ
Биржалық кеңесінің шешімімен

(2011 жылдың 28 сәуіріндегі
№ 10 отырыс хаттамасы)

Б е к і т і л д і

2011 жылдың 01 шілдесінен бастап

Қолданысқа енгізілді

Қ.Б.ҚОЖАХМЕТОВ

Биржалық ақпаратты тарату ЕРЕЖЕЛЕРІ

Алматы қ.

2011

ТҮЗЕТУЛЕР ПАРАҒЫ

1. № 1 өзгертулер мен толықтырулар:

- Қазақстан Республикасы Ұлттық банкінің қаржы нарығын және Қаржы ұйымдарын бақылау мен реттеу комитетімен 2012 жылдың 29 маусымында келісілді;
- "Қазақстан қор биржасы" АҚ Биржалық кеңесінің шешімімен (2012 жылдың 28 мамырындағы № 10 отырыс хаттамасы) бекітілді;
- 2012 жылдың 02 шілдесінен бастап қолданысқа енгізілді.

2. № 2 өзгертулер мен толықтырулар:

- Қазақстан Республикасы Ұлттық банкінің Қаржы нарығын және қаржы ұйымдарын бақылау мен реттеу комитетімен 2012 жылдың 25 қазанында келісілді;
- "Қазақстан қор биржасы" АҚ Биржалық кеңесінің шешімімен (2012 жылдың 27 қыркүйегіндегі № 19 отырыс хаттамасы) бекітілді;
- 2012 жылдың 15 қарашасынан бастап қолданысқа енгізілді.

3. № 3 толықтыру:

- Қазақстан Республикасы Ұлттық банкінің Қаржы нарығын және қаржы ұйымдарын бақылау мен реттеу комитетімен 2013 жылдың 02 қыркүйегінде келісілді;
- "Қазақстан қор биржасы" АҚ Биржалық кеңесінің шешімімен (2013 жылдың 31 шілдесіндегі № 18 отырыс хаттамасы) бекітілді;
- 2013 жылдың 03 қыркүйегінен бастап қолданысқа енгізілді.

4. № 4 толықтыру:

- Қазақстан Республикасы Ұлттық банкімен 2014 жылдың 29 тамызында келісілді;
- "Қазақстан қор биржасы" АҚ Биржалық кеңесінің шешімімен (2014 жылдың 08 тамызындағы № 29 отырыс хаттамасы) бекітілді;
- 2014 жылдың 09 қыркүйегінен бастап қолданысқа енгізілді.

Осы Ережелер биржалық ақпараттардың минималды құрамын, биржалық ақпараттарды таратудың негізгі шарттары мен тәртібін, сондай-ақ, биржалық ақпаратты таратуда "Қазақстан қор биржасы" АҚ (бұдан әрі – Биржа) жауаптылық шегін анықтайды.

1 тарау. ЖАЛПЫ ҚАҒИДАЛАРЫ

1 бап. Негізгі түсініктер

1. Осы Ережелерде, Биржаның ішкі құжаттарында анықталған, түсініктер мен шартты белгілер, сондай-ақ мынадай түсініктер қолданылған:
 - 1) **"биржалық ақпарат"** – осы Ережелердің 2 бабында анықталғандай;
 - 2) **"корпоративтік уақиға"** – Қазақстан Республикасының "Акционерлік қоғамдар туралы" заңының 79 бабының 1 тармағында анықталғандай.
2. Осы Ережелерде қолданылған өзге ұғымдар келесіні білдіреді:
 - 1) **"мұрағаттық ақпарат"** – соңғы уақиғалар нәтижесінде мағынасы ескіріп, соның нәтижесінде актуалдысына ауыстырылған, биржалық ақпараттар;
 - 2) **"базалық ақпарат"** – Биржаның қызметі үдерісінде алынғаннан кейін – тасымалдағышы және/немесе мәліметтер форматы ауыстырылған, топталған немесе қайта топталған, тиісті стиліне келтірілген және басқа да ұқсас әрекеттер нәтижесінде өңделмеген немесе тек бастапқы жинақталып өңделген, биржалық ақпарат;
 - 3) **"топтық тарату"** – Биржа мүдделі тұлғалар деп белгілеген топтарға биржалық ақпараттардың бір бөлігін белгілі бір амалмен тарату әдісі;
 - 4) **"кідірілген ақпарат"** – биржалық ақпараттардың бір бөлігіне қатысты осындай ақпарат пайда болған сәттен оның жариялануына, топтық таратылуына немесе іркілген ақпарат түрінде таратылуына дейін осы Ережелермен (және/немесе Биржа Басқармасының шешімімен) белгіленген арнайы минималды уақыттық интервал;
 - 5) **"ақпараттық өнім"** – белгілі бір шарттармен белгілі бір тұлғаларға таратылуға арналған, арнайы (соның ішінде туынды ақпарат алу мақсатында) өңделген және осы ақпараттық өнімнің маманданымына сәйкес рәсімделген ақпараттың бір бөлігі;
 - 6) **"нақты уақыт тәртібіндегі ақпарат"** – пайда болуы және жариялануы арасында 15 минуттан аспайтын уақыт өткен биржалық ақпарат;
 - 7) **"туынды ақпарат"** – базалық ақпаратты өңдеу нәтижесінде алынған ақпарат, бұл ақпараттан осындай ақпаратты алу үшін қолданылған базалық ақпараттың дәлме-дәл көшірмесін алуға болмайды.
3. Осы Ережелердің мақсаттары үшін:
 - 1) Биржа сайты деп Биржаның Интернет-сайтын (www.kase.kz);
 - 2) Уәкілетті орган деп бағалы қағаздар нарығын реттеу мен бақылауды жүзеге асыратын мемлекеттік органды түсіну керек.

(Осы бап Биржалық кеңестің 2012 жылдың 27 қыркүйегіндегі шешімімен өзгертілген).

2 бап. Биржалық ақпарат

1. Биржалық ақпарат деп Қазақстан Республикасы заңнамасына, Биржаның ішкі құжаттарына және Биржамен жасалған келісім-шартқа сәйкес таратылуға жататын:
 - 1) Биржа туралы;
 - 2) Биржа мүшелерінен, Биржа сауда-саттығына (Биржада айналысқа) жіберілген бағалы қағаздар эмитентінен, және Қазақстан

Республикасының заңнамасына және Биржаның ішкі құжаттарына сәйкес өзге тұлғалардан Биржа алатын, сондай-ақ өзге де заңды амалдармен Биржа сауда-саттығына (Биржада айналысқа) жіберілген бағалы қағаздар эмитентінен, Биржа мүшелерінен алынған;

- 3) қаржы құралдарының сауда-саттығын ұйымдастырып, өткізу қызметін жүзеге асыру барысында Биржа жинақтап, өңдейтін ақпаратты түсіну керек.
2. Биржалық ақпараттарға мынадай ақпараттар түрлері кіреді:
- 1) заңды тұлға және акционерлік қоғам ретінде Биржа туралы жалпы ақпараттар:

орналасқан жері және Биржаның байланыс деректемелері, соның ішінде электрондық поштасының корпоративтік мекен-жайлары;

Биржалық кеңес және Биржа Басқармасының құрамы;

Биржа жарғысы, оған енгізілген өзгертулер мен толықтырулар;

акциялар шығарылымы аңдатпасы және оған енгізілген өзгертулер мен толықтырулар, Биржаның акцияларын орналастыру нәтижелері туралы есеп берулер;

Аудит жүргізілген, Биржаның жеке және шоғырландырылған жылдық есеп берулері, Биржаның қаржылық есеп берушілігі бойынша аудиторлық есептер;

Биржаның корпоративтік уақиғалары туралы ақпарат;

Қазақстан Республикасының заңнамасына және Биржаның ішкі құжаттарына сәйкес ашылуға жататын, өзге ақпарат;

(осы тармақша Биржалық кеңестің 2012 жылдың 28 мамырындағы және 27 қыркүйегіндегі шешімдерімен өзгертілген);

- 2) Биржаның ішкі құжаттарының мазмұнындағы ақпараттар (Биржа қызметін ұйымдастыру мақсатында, оның Басқармасы қабылдаған, Биржаның ішкі құжаттарының мазмұнындағы ақпараттардан басқа);
- 3) Биржа мүшелері туралы жалпы ақпараттар:

атаулары, орналасқан жері, байланыс деректемелері, соның ішінде электрондық пошта және Интернет-сайттары (бар болса), мекен-жайлары;

Биржа мүшелерінің құрылтайшылық құжаттары;

Биржа мүшелерінің трейдерлері туралы мәліметтер;

Биржа мүшелеріне және/немесе олардың трейдерлеріне қатынасты Биржа органдарының қабылдаған шешімдері туралы ақпарат;

Қазақстан Республикасының заңнамасында және Биржаның ішкі құжаттарында белгіленген, Биржа мүшелерінің ақпараттар ашу және ақпараттар ұсыну бойынша міндеттемелерін орындауға байланысты Биржаға ұсынатын, Биржа мүшелерінің тоқсандық және жылдық қаржылық есеп берушіліктері;

Қазақстан Республикасының заңнамасында және Биржаның ішкі құжаттарында белгіленген, Биржа мүшелерінің ақпараттар ашу және ақпараттар ұсыну бойынша міндеттемелерін орындауға байланысты Биржаға ұсынатын, Биржа мүшелерінің қаржылық есеп берушіліктері бойынша аудиторлық есептер;

Қазақстан Республикасының заңнамасында және Биржаның ішкі құжаттарында белгіленген, Биржа мүшелерінің ақпараттар ашу және ақпараттар ұсыну бойынша міндеттемелерін орындауға байланысты

Биржаға ұсынатын, Биржа мүшелерінің корпоративтік уақиғалары туралы ақпараттар;

Қазақстан Республикасының заңнамасында және Биржаның ішкі құжаттарында белгіленген, Биржа мүшелерінің ақпараттар ашу және ақпараттар ұсыну бойынша міндеттемелерін орындауға байланысты Биржаға ұсынатын, басқа да құжаттар мен ақпараттар;

Биржаға оның мүшелері тарату бойынша өз міндеттемелерін орындау мақсатында беретін, коммерциялық немесе заңмен қорғалатын құпия болып табылмайтын, өзге ақпараттар;

(осы тармақша Биржалық кеңестің 2012 жылдың 28 мамырындағы және 27 қыркүйегіндегі шешімдерімен өзгертілген);

- 4) Биржада айналысқа жіберілген қаржы құралдары туралы жалпы ақпараттар:

қаржы құралдарының сауда-саттық регламенті;

қаржы құралдарының сауда-саттығын өткізу және қаржы құралдарымен жасалған мәмілелер бойынша есептесу шарттары мен тәртібі туралы жалпы мәліметтер;

қаржы құралдарының негізгі сипаттамалары;

- 5) Биржада айналысқа жіберілген, бағалы қағаздар эмитенттеріне қатысты ақпараттар:

бағалы қағаздар эмитенттерінің атауы, орналасқан жері, байланыс деректемелері;

листинг, делистинг және ресми тізімнің санатын (санатшасын) ауыстыру мәселелері бойынша тұжырымдар, соның нәтижелеріне қарай Листингтік комиссияның листинг, делистинг, ресми тізімнің санатын (санатшасын) ауыстыру туралы қабылдаған шешімдері;

Қазақстан Республикасының заңнамасында және Биржаның ішкі құжаттарында белгіленген, бағалы қағаздардың рұқсат ету бастамашылары мен эмитенттерінің ақпараттар ашу бойынша өз міндеттемелерін орындау мақсатында Биржаға ұсынған, бағалы қағаздар эмитенттерінің тоқсандық және жылдық қаржылық есеп берушіліктері;

Қазақстан Республикасының заңнамасында және Биржаның ішкі құжаттарында белгіленген, бағалы қағаздардың рұқсат ету бастамашылары мен эмитенттерінің ақпараттар ашу бойынша өз міндеттемелерін орындау мақсатында Биржаға ұсынған, бағалы қағаздар эмитенттерінің тоқсандық және жылдық қаржылық есеп берушіліктері бойынша аудиторлық есептер;

Қазақстан Республикасының заңнамасында және Биржаның ішкі құжаттарында белгіленген, бағалы қағаздардың рұқсат ету бастамашылары мен эмитенттерінің ақпараттар ашу бойынша өз міндеттемелерін орындау мақсатында Биржаға ұсынған, бағалы қағаздар эмитенттерінің корпоративтік уақиғалары туралы ақпараттар;

Қазақстан Республикасының заңнамасында және Биржаның ішкі құжаттарында белгіленген, бағалы қағаздардың рұқсат ету бастамашылары мен эмитенттерінің ақпараттар ашу бойынша өз міндеттемелерін орындау мақсатында Биржаға ұсынған, өзге де құжаттар;

(осы тармақша Биржалық кеңестің 2012 жылдың 28 мамырындағы және 27 қыркүйегіндегі шешімдерімен өзгертілген);

- 6) Биржа өткізетін (өткізген) қаржы құралдарының сауда-саттығының барысы және/немесе нәтижесі туралы ақпарат:
 - қаржы құралдарының бағасы мен баға белгілеулері;
 - қаржы құралдар сауда-саттығының нәтижелері;
 - Биржа белгілеген кезеңдердегі қаржы құралдар сауда-саттығының көлемі мен құрылымы;
 - Биржа мүшелерінің биржа сауда-саттығындағы саудалық белсенділігі;
 - Биржада саудаланатын қаржы құралдарының өтімділігі туралы ақпараттар;
 - 7) Биржа есептейтін, индикаторлар туралы ақпарат:
 - индикаторлар мағынасы;
 - индикаторларды есептеу әдістемесі;
 - индикаторлардың өкілетті тізімдері (тиісті әдәістемеді қарастырылған жағдайда);
 - 8) Биржада айналысқа жіберілген бағалы қағаздардың нарықтық бағалауы туралы ақпарат.
3. Биржалық ақпарат:
- 1) өңделу дәрежесі бойынша – негізгі және туынды ақпарат;
 - 2) актуалдығының дәрежесі бойынша – нақты уақыт тәртібіндегі ақпарат, келдірілген және мұрағаттық ақпарат;
 - 3) таратылу шарттары бойынша – ақылы және тегін ақпарат болып жіктеледі.

2 тарау. БИРЖАЛЫҚ АҚПАРАТТЫ ТАРАТУДЫҢ ЖАЛПЫ ШАРТТАРЫ

3 бап.

Биржалық ақпаратты таратудың негізгі принциптері

1. Биржалық ақпарат:
 - 1) Биржа сайтында орналастыру (трансляция);
 - 2) Биржаның сауда-саттық жүйесінің терминалы арқылы беру;
 - 3) бұқаралық ақпарат құралдарында жариялау;
 - 4) Биржаның баспасөз басылымдарында жариялау;
 - 5) биржалық куәліктерге енгізу;
 - 6) осы Ережелердің 13 бабына сәйкес топтық тарату (*осы тармақ Биржалық кеңестің 2012 жылдың 27 қыркүйегіндегі шешімімен өзгертілген*);
 - 7) осы Ережелердің 14 бабына сәйкес, кейбір мүдделі тұлғаларға жеке беру (*осы тармақ Биржалық кеңестің 2012 жылдың 27 қыркүйегіндегі шешімімен өзгертілген*);
 - 8) Қазақстан Республикасының заңнамасында және Биржаның ішкі құжаттарында белгіленген ақпараттарды ашу міндеттемесін орындау мақсатында рұқсат ету бастамашысынан және бағалы қағаздар эмитенттерінен Биржа алған ақпараттардың қағаздағы нұсқаларын мүдделі тұлғалардың алуына рұқсат беру;
 - 9) мүдделі тұлғаларға ақпараттық өнім беру (*осы тармақ Биржалық кеңестің 2012 жылдың 27 қыркүйегіндегі шешімімен өзгертілген*);
 - 10) Қазақстан Республикасының заңнамасында белгіленген және оған қайшы келмейтін, басқа да тәсілдермен ұсыну және/немесе тарату

(осы тармақ Биржалық кеңестің 2012 жылдың 27 қыркүйегіндегі шешімімен енгізілген).

2. Биржалық ақпаратты тарату құрылымын, құрамын, әдісін және форматын, Қазақстан Республикасының заңнамасында, Биржаның жарғысы және ішкі құжаттарында белгіленген нормаларды ескере отырып, Биржа өзі нақтылайды.

4 бап. Биржа туралы ақпараттарды тарату

1. Заңды тұлға және акционерлік қоғам ретінде Биржа туралы ақпаратты таратудың негізгі әдісі – осындай ақпаратты Биржа сайтында орналастыру болып табылады.

Бағалы қағаздардың эмитенті және лицензиат ретінде Биржа уәкілетті органға акционерлерінің мүдделеріне қатысты өз қызметіндегі өзгерістер туралы¹, қаржылық есеп берушілігі және, Қазақстан Республикасының заңнамасында қарастырылған құрамында, тәртіпте және мерзімде өзге де есеп берушіліктерін ұсынуы тиіс.

Бұдан басқа, Биржа, бағалы қағаздар эмитенті ретінде, өзінің корпоративтік уәкілдері туралы ақпараттарды, жылдық қаржылық есеп берушілігін және аудиторлық есептерін, уәкілетті органның нормативтік құқықтық актілерінде белгіленген тәртіпте, құрамда және мерзімде, қаржылық есеп берушілік депозитарийінің интернет-ресурсына орналастыруды жүзеге асырады.

(осы тармақша Биржалық кеңестің 2012 жылдың 28 мамырындағы шешімімен өзгертілген);

2. Акционерлік қоғам ретінде, Биржа туралы ақпарат (Биржа сайтында орналастырудан басқа):
 - 1) Биржа акционерлеріне топтық тарату (Биржа жарғысына сәйкес немесе оның бастамасымен);
 - 2) Биржаның кейбір акционерлерінің сауалына жауап ретінде жеке беру;
 - 3) кез келген өзге де мүдделі тұлғаларға жеке беру арқылы беріледі.
3. Биржа Қазақстан Республикасының акционерлер туралы заңнамасына және Биржа жарғысына сәйкес, өз акционерлеріне өзі және өзінің қызметі туралы қосымша ақпараттар береді.
4. Егер өзгесі Қазақстан Республикасының заңнамасында, Биржаның жарғысында және ішкі құжаттарында белгіленбесе, Биржалық кеңестің шешімімен бекітілген (2012 жылдың 26 шілдесіндегі № 5 отырыс хаттамасы) "Ақпараттық саясат" (бұдан әрі – Ақпараттық саясат) атты Биржаның ішкі құжатының 2 бабында белгіленген жалпы ұстанымдарды ескере отырып, Биржа туралы ақпараттың ұсынылу мерзімдерін және кезеңділігін Биржа өзі анықтайды *(осы тармақ Биржалық кеңестің 2012 жылдың 27 қыркүйегіндегі шешімімен өзгертілген).*

5 бап. Биржаның ішкі құжаттарындағы ақпараттарды тарату

1. Биржаның ішкі құжаттары туралы және осы құжаттардағы ақпараттарды таратудың негізгі жолы оны Биржа сайтында:
 - 1) Биржаның ішкі құжаттарының мәтінін орналастыру;
 - 2) хабарламаларды орналастыру, соның ішінде KASE жаңалықтарын, Биржаның ішкі құжаттарын бекіту туралы, сондай-ақ Биржаның ішкі

¹ Осындай мәліметтердің тізімі Қазақстан Республикасының "Бағалы қағаздар нарығы туралы" Заңының 102 бабы 2 тармағында анықталған *(осы сілтеме Биржалық кеңестің 2012 жылдың 28 мамырындағы және 27 қыркүйегіндегі шешімдерімен енгізілген).*

құжаттарына түзетулер енгізу туралы хабарландыруларды жариялау болып табылады.

2. Биржаның ішкі құжаттарындағы ақпарат (Биржа сайтында жариялағаннан басқа):
 - 1) Биржаның жаңадан бекітілген ішкі құжаттарын, Биржаның ішкі құжаттарына енгізілген түзетулер мәтіндерін, сондай-ақ Биржаның ішкі құжаттарын бекіту және оларға түзетулер енгізу туралы хабарламаларды Биржа мүшелеріне топтық тарату;
 - 2) Биржаның ресми тізіміне бағалы қағаздарды енгізу және олардың осында болу үшін бағалы қағаздарға және олардың эмитенттеріне қойылатын талаптарды белгілейтін Биржаның ішкі құжаттарын бекіту туралы (Биржаның ішкі құжаттарына түзетулер енгізу) хабарландыруларын листингтік компанияларға топтық тарату арқылы беріледі.
3. Егер өзгесі Қазақстан Республикасы заңнамасында, Биржаның жарғысында және ішкі құжаттарында белгіленбесе, Биржаның ішкі құжаттарындағы ақпаратты жариялау мерзімдерін, Ақпараттық саясаттың 2 бабында белгіленген жалпы ұстанымдарды ескере отырып, Биржаның Басқармасы анықтайды ([осы тармақ Биржалық кеңестің 2012 жылдың 27 қыркүйегіндегі шешімімен өзгертілген](#)).
4. Осы баптың 1 тармағының 1) тармақшасында көрсетілген ақпарат пен осы баптың 1 тармағының 2) тармақшасында көрсетілген ақпараттар арасындағы кез келген айырмашылық кездескенде, осы баптың 1 тармағының 1) тармақшасындағы ақпаратты ең нақты деп санау керек.

6 бап.

Биржа мүшелері туралы ақпараттарды тарату

1. Биржа мүшелері туралы ақпаратты таратудың негізгі әдісі осы ақпаратты Биржа сайтында жариялау болып табылады:
 - 1) Қазақстан Республикасы заңнамасының және Биржаның ішкі құжаттарының талаптарына сәйкес жариялануға жататын, Биржа мүшелерінің құрылтайшылық құжаттары, олардың қаржылық есеп берушіліктері және осы қаржылық есеп берушіліктері бойынша аудиторлық есептері, Биржа мүшелерінің корпоративтік уақиғалары туралы ақпараттар, және Биржа өз мүшелерінен алған өзге де құжаттарды жариялау ([осы тармақ Биржалық кеңестің 2012 жылдың 27 қыркүйегіндегі шешімімен өзгертілген](#));
 - 2) Биржа мүшелері және/немесе оның қызметкерлеріне қатынасты қабылданған, Биржа органдарының шешімдері туралы мәліметтерді орналастыру;
 - 3) Биржа мүшелері туралы анықтамалық және сипаттамалық ақпараттарды орналастыру;
 - 4) Биржа мүшелерінің трейдерлері және лауазымды тұлғалары туралы ақпаратты орналастыру.
2. Биржа мүшелері туралы ақпараттар (осы баптың 1 тармағында аталғаннан басқа) мынадай жолдармен таратылады:
 - 1) биржалық куәліктерге енгізу;
 - 2) Биржаның сауда-саттық жүйесі терминалдары арқылы ұсыну;
 - 3) Биржа жаңалықтарын қалыптастыру және тарату (Биржа сайтында орналастыру) ([осы тармақ Биржалық кеңестің 2012 жылдың 27 қыркүйегіндегі шешімімен өзгертілген](#));
 - 4) мүдделі тұлғаларға жеке ұсыну.

3. Биржа мүшесінің қаржылық есеп берушілігі, осы есеп берушілік бойынша аудиторлық есептер, Биржа мүшесінің корпоративтік уақиғалары туралы ақпараттар Биржа тиісті құжаттарды (тиісті ақпараттарды) алған күннен кейін бес жұмыс күн аралығында жариялануы тиіс. Бұл ретте, Биржа осы құжаттарды (осы ақпараттарды) алған күн деп, Биржаның ішкі құжаттарында және Басқарма шешімімен осындай құжаттардың (осындау ақпараттардың) түріне және оларды Биржаға ұсыну тәртібіне қоятын талаптарына сай келетін, осы құжаттардың (осы ақпараттардың) ақырғы нұсқаларын Биржа алған күн болып саналады.

Осы баптың 1 тармағының 2) тармақшасында аталмыш мәліметтер, Биржа органы шешім қабылдаған күннен кейін екі жұмыс күн аралығында, жарияланады.

Биржа мүшелері туралы биржалық ақпараттардың таратылуының уақыты мен мерзімділігін Биржа, Ақпараттық саясаттың 2 бабында анықталған жалпы ұстанымдарға негізделі отырып, дербес түрде анықтайды.

(Осы тармақ Биржалық кеңестің 2012 жылдың 27 қыркүйегіндегі шешімімен өзгертілген).

4. Осы баптың 1 тармағы 1) тармақшасында көрсетілген ақпарат пен осы баптың 1 тармағының 3) тармақшасында және 2 тармағында анықталған ақпараттардың арасында кез келген айырмашылық болған жағдайда, осы баптың 1 тармағының 1) тармақшасында белгіленген ақпаратты сенімдірек деп саналады.

(Осы бап Биржалық кеңестің 2012 жылдың 28 мамырындағы шешімімен өзгертілген).

7 бап. Биржада айналысқа жіберілген қаржы құралдары туралы ақпараттарды тарату

1. Биржада айналысқа жіберілген қаржы құралдары туралы ақпаратты таратудың негізгі әдісі, оны Биржа сайтында келесідей жолдармен орналастыру болып табылады:
 - 1) құралдардың құрылымын анықтайтын құжаттардың мәтіндерін, сондай-ақ осындай құралдардың Биржада айналыста болуын реттейтін нормаларды орналастыру;
 - 1-1) Биржа органдарының қаржы құралдарын және олармен жасалатын операцияларға қатынасты шешімдері туралы мәліметтерді жариялау *(осы тармақша Биржалық кеңестің 2012 жылдың 28 мамырындағы шешімімен енгізілген)*;
 - 2) осындай құралдарға қатысты анықтамалық және сипаттамалық тұрпаттағы ақпараттарды: құралдардың тізімі, олардың сипаттамалары, түрлі құралдардың сауда-саттығының регламенті мен шарттары, құралдар тізіміндегі және қандай да бір құралдың (қандай да бір құралдардың) сипаттамасындағы, сондай-ақ сауда-саттық регламенті мен шарттарындағы өзгерістер туралы хабарландыруларды Биржа сайтында орналастыру.
2. Биржада айналысқа жіберілген қаржы құралдары туралы ақпарат (Биржа сайтында жарияланғаннан басқа):
 - 1) биржалық күәліктерге енгізу;
 - 2) Биржаның сауда-саттық жүйесі терминалы арқылы беру;
 - 3) кейбір мүдделі тұлғаларға жеке беру;
 - 4) топтық тарату;
 - 5) ақпараттық өнімге енгізу арқылы таратылады.

3. Егер өзгесі Қазақстан Республикасы заңнамасында, Биржаның жарғысында және ішкі құжаттарында белгіленбесе, Биржада айналысқа жіберілген қаржы құралдары туралы ақпаратты жариялау мерзімдерін, кезеңділігін және жариялаудың қосымша тәсілдерін, Ақпараттық саясаттың 2 бабында анықталған жалпы ұстанымдарға негізделе отырып, Биржа Басқармасы анықтайды *(осы тармақ Биржалық кеңестің 2012 жылдың 27 қыркүйегіндегі шешімімен өзгертілген)*.
4. Осы баптың 1 тармағының 1) тармақшасында көрсетілген ақпарат пен осы баптың 1 тармағының 2) тармақшасында және осы баптың 2 тармағында көрсетілген ақпараттар арасындағы кез келген айырмашылық кездескенде, осы баптың 1 тармағының 1) тармақшасындағы ақпаратты нақтыланған деп санау керек.

8 бап.

Биржада айналысқа жіберілген, бағалы қағаздардың эмитенттері туралы ақпараттарды тарату

1. Биржада айналысқа жіберілген бағалы қағаздардың эмитенттері туралы ақпаратты таратудың негізгі әдісі, оны Биржа сайтында келесідей жолдармен орналастыру болып табылады:
 - 1) Қазақстан Республикасы заңнамасына және Биржаның ішкі құжаттарына сәйкес, рұқсат ету бастамашылары мен бағалы қағаздардың эмитенттерінің ақпараттарды ашу бойынша міндеттемесін орындау мақсатында, бағалы қағаздардың рұқсат ету бастамашысынан Биржа алған бағалы қағаздар эмитенттерінің қаржылық есеп берушіліктері және осы есеп берушіліктер бойынша аудиторлық есептеді, бағалы қағаздар эмитенттерінің корпоративтік уақиғалары туралы ақпараттарды, сондай-ақ өзге де ақпараттарды жариялау;
 - 2) бағалы қағаздардың рұқсат ету бастамашылары және листингтік компаниялардың Биржаға Листингтік комиссиясының отырысында қарауына және Листингтік комиссиясының листинг, делистинг және ресми тізімнің санатын (санатшасын) ауыстыру бойынша шешім қабылдауына ұсынылған құжаттар;
 - 3) листинг, делистинг және ресми тізімнің санатын (санатшасын) ауыстыру сұрақтары бойынша берілген тұжырымдардың, олардың нәтижесінде Листингтік комиссиясы листинг, делистинг және ресми тізімнің санатын (санатшасын) ауыстыру бойынша қабылдаған шешімдерін жариялау;
 - 4) бағалы қағаздар эмитенттері және олар шығарған бағалы қағаздарға қатысты ақпараттық және сипаттамалық ақпараттарды, мысалы, эмитенттердің тізімі, эмитенттердің және осындай эмитенттердің және олар шығарған бағалы қағаздарының сипаттамасы туралы ақпараттарды орналастыру.

(Осы тармақ Биржалық кеңестің 2012 жылдың 28 мамырындағы және 27 қыркүйегіндегі шешімдерімен өзгертілген);

2. Бағалы қағаздары Биржадағы айналысқа жіберілген, эмитенттер туралы ақпарат (осы баптың 1 тармағында аталғаннан басқа):
 - 1) биржалық күәлікке енгізу;
 - 2) Биржаның сауда-саттық жүйесі терминалы арқылы беру;
 - 3) Биржа жаңалықтарын қалыптастыру және тарату (Биржа сайтында орналастыру) *(осы тармақша Биржалық кеңестің 2012 жылдың 27 қыркүйегіндегі шешімімен өзгертілген);*
 - 4) кейбір мүдделі тұлғаларға жеке беру;
 - 5) топтық тарату;

- 6) осы баптың 1 тармағының 1) тармақшасында белгіленген, құжаттардың қағаздағы нұсқасына мүдделі тұлғалардың алуына рұқсат беру;
 - 7) ақпараттық өнімге енгізу арқылы таратылады.
3. Бағалы қағаздар эмитентінің қаржылық есеп берушілігі, осы есеп берушілік бойынша аудиторлық есептер, бағалы қағаздар эмитентінің корпоративтік уақиғалары туралы ақпараттар Биржа тиісті құжаттарды (тиісті ақпараттарды) алған күннен кейін бес жұмыс күн аралығында жариялануы тиіс. Бұл ретте, Биржа осы құжаттарды (осы ақпараттарды) алған күн деп, Биржаның ішкі құжаттарында және Басқарма шешімімен осындай құжаттардың (осындау ақпараттардың) түріне және оларды Биржаға ұсыну тәртібіне қоятын талаптарына сай келетін, осы құжаттардың (осы ақпараттардың) ақырғы нұсқаларын Биржа алған күн болып саналады.

Биржа, осы баптың 1 тармағының 2) тармақшасында айтылмыш, құжаттарды Листингтік комиссиясының листинг, делистинг, ресми тізімнің санатын (санатшасын) ауыстыру туралы шешімі өз күшіне енген күні жариялайды. Егер Листингтік комиссияның шешімі өз күшіне енетін датасы мен осы бағалы қағаздар бойынша сауда-саттық ашылу күні бір күнде болса, аталмыш құжаттар осы бағалы қағаздардың сауда-саттық ашылу датасына дейін жарияланады.

Листингтік компаниясы туралы өзге де биржалық ақпаратты жариялау мерзімдерін, тарату кезеңділігін, Ақпараттық саясаттың 2 бабында анықталған жалпы ұстанымдарға негізделі отырып, Биржа Басқармасы анықтайды.

(Осы тармақ Биржалық кеңестің 2012 жылдың 28 мамырындағы және 27 қыркүйегіндегі шешімдерімен өзгертілген);

4. Осы баптың 1 тармағының 1) тармақшасында көрсетілген ақпарат пен осы баптың 1 тармағының 4) тармақшасында және осы баптың 2 тармағында көрсетілген ақпараттар арасындағы кез келген айырмашылық кездескенде, осы баптың 1 тармағының 1) тармақшасындағы ақпаратты ең нақты деп санау керек *(осы тармақша Биржалық кеңестің 2012 жылдың 27 қыркүйегіндегі шешімімен өзгертілген).*

9 бап.

Биржа өткізетін (өткізген) қаржы құралдар сауда-саттығының барысы және/немесе нәтижесі туралы ақпаратты тарату

1. Биржа өткізетін қаржы құралдар сауда-саттығының барысы туралы базалық ақпараттарды таратудың негізгі әдісі – оны Биржаның сауда-саттық жүйесінің терминалы арқылы тарату болып табылады. Осындай тарату осы ақпараттың бастапқы кейіптеуі болып табылады.

Биржаның сауда-саттық жүйесінің терминалы арқылы базалық биржалық ақпарат, Сауда-саттық жүйесімен алыстан кіру тәртібінде жұмыс жасау Ережелерінде белгіленгендей, Сауда ақпараты түрінде таратылады. Сауда ақпаратын Биржаның сауда-саттық жүйесінің терминалы арқылы беру шарттары Сауда-саттық жүйесімен алыстан кіру тәртібінде жұмыс жасау Ережелерінде анықталған.

2. Биржа өткізген қаржы құралдар сауда-саттығы нәтижелері туралы ақпаратты таратудың негізгі әдісі – осы ақпаратты биржалық куәлікке енгізу арқылы тарату болып табылады.
3. Биржа өткізетін қаржы құралдар сауда-саттығының барысы туралы базалық ақпарат Сауда ақпараты түрінде нақты уақты тәртібінде Биржа тек ақпараттық өнім құрамында ғана, соның ішінде, Биржа сайтында орналастыру (трансляциялау) арқылы, таратады.
4. Биржа өткізетін қаржы құралдар сауда-саттығының барысы туралы базалық ақпарат, кідірілген Сауда-саттық ақпараты түрінде Биржамен өз сайтында орналастыру (трансляциялау) арқылы, сондай-ақ, ақпараттық өнім

(ақпараттық өнімдер) құрамында таратылады *(осы тармақ Биржалық кеңестің 2013 жылдың 31 шілдесіндегі шешімімен толықтырылды)*.

5. Биржа өткізетін (өткізілген) қаржы құралдар сауда-саттығының барысы және/немесе нәтижесі туралы туынды және мұрағаттық ақпарат:
 - 1) Биржа сайтында орналастыру (трансляциялау);
 - 2) Биржаның баспасөз басылымдарында жариялау;
 - 3) кейбір мүдделі тұлғаларға жеке беру;
 - 4) ақпараттық өнімге мүдделі тұлғаларға беру арқылы таратылады.
6. Биржа өткізетін (өткізген) қаржы құралдар сауда-саттығының барысы және/немесе нәтижесі туралы туынды және мұрағаттық ақпаратты жариялау мерзімдерін, тарату кезеңділігін, Ақпараттық саясаттың 2 бабында анықталған жалпы ұстанымдарға негізделе отырып, Биржа Басқармасы анықтайды *(осы тармақша Биржалық кеңестің 2012 жылдың 27 қыркүйегіндегі шешімімен өзгертілген)*.
7. Осы баптың 1 тармағында белгіленгендей, Биржаның сауда-саттық жүйесі терминалы арқылы таратылатын, базалық ақпарат пен, кез келген өзге амалмен таратылатын, Биржа өткізетін қаржы құралдар сауда-саттығының барысы туралы ақпарат арасындағы кез келген айырмашылық кездескенде, Биржаның сауда-саттық жүйесі терминалы арқылы таратылатын Сауда ақпаратын ең нақты деп санау керек. Биржа өз тарапынан, Биржаның Сауда-саттық жүйесінің терминалы арқылы таратылатын Сауда ақпаратының растығын қамтамасыз ету бойынша бар күш-жігерін жұмсауға міндетті.
8. Биржалық куәлікке енгізу арқылы таратылатын, Биржа өткізетін қаржы құралдар сауда-саттығының нәтижесі туралы ақпарат пен, қандай да бір өзге амалмен таратылатын ақпарат арасындағы кез келген айырмашылық кездескенде, биржалық куәлікке енгізілген ақпаратты ең нақты деп санау керек. Биржа өз тарапынан, биржалық куәлікке енгізу арқылы таратылатын, Биржа өткізген сауда-саттық нәтижесі туралы ақпараттың растығын қамтамасыз ету бойынша бар күш-жігерін жұмсауға міндетті.

10 бап.

Биржа есептейтін индикаторлар туралы ақпаратты тарату

1. Биржа есептейтін индикаторлар туралы ақпаратты таратудың негізгі әдісі – оны Биржа сайтында орналастыру болып табылады.
2. Биржа есептейтін индикаторлар туралы ақпарат (Биржа сайтында жариялағаннан басқа):
 - 1) Биржа сауда-саттық жүйесінің терминалдары арқылы;
 - 2) кейбір мүдделі тұлғаларға жеке беру арқылы;
 - 3) ақпараттық өнім құрамында таратылады.
3. Егер өзгесі белгіленбесе, Биржа есептейтін индикаторлар туралы ақпаратты жариялау мерзімдерін, тарату кезеңділігін, жариялаудың қосымша тәсілдерін, Ақпараттық саясаттың 2 бабында анықталған жалпы ұстанымдарға негізделе отырып, Биржа Басқармасы анықтайды *(осы тармақша Биржалық кеңестің 2012 жылдың 27 қыркүйегіндегі шешімімен өзгертілген)*.

11 бап.

Биржада айналысқа жіберілген бағалы қағаздардың нарықтық бағалауы туралы ақпаратты тарату

1. Биржада айналысқа жіберілген бағалы қағаздардың нарықтық бағалауы туралы ақпаратты таратудың негізгі әдісі – Биржа сайтында:

- 1) Биржада айналысқа жіберілген бағалы қағаздардың нарықтық бағалауы нәтижелері туралы мәліметтері бар файлдарды орналастыру;
 - 2) хабарландырулар жариялау, соның ішінде, Биржада айналысқа жіберілген бағалы қағаздардың нарықтық бағалаудың тәртібін өзгерту туралы, сондай-ақ нарықтық бағалауы туралы мәліметтерді жариялау форматының, мерзімдерінің немесе амалдарының өзгеруі туралы Биржа жаңалықтарын жариялау *(осы тармақша Биржалық кеңестің 2012 жылдың 27 қыркүйегіндегі шешімімен өзгертілген)*;
 - 3) кейбір мүдделі тұлғаларға деке беру арқылы орналастырылады.
2. Биржада айналысқа жіберілген бағалы қағаздардың нарықтық бағалауы туралы ақпаратты жариялау кезеңділігі мен мерзімдері Биржаның ішкі құжаттарында анықталады.

12 бап. Биржалық ақпаратты бұқаралық ақпарат құралдарында жариялау арқылы тарату

Биржалық ақпаратты бұқаралық ақпарат құралдарында жариялау арқылы тарату, Қазақстан Республикасының бұқаралық ақпарат құралдары туралы заңнамасына және Ақпараттық саясатқа сәйкес, осы бұқаралық ақпарат құралдарымен жасалған келісімдер негізінде жүзеге асырылады.

(Осы бап Биржалық кеңестің 2012 жылдың 27 қыркүйегіндегі шешімімен өзгертілген).

13 бап. Биржалық ақпаратты топтық тарату арқылы тарату

1. Топтық тарату ақпараттық өнімге жатпайды. Әр бір жеке топтық тарату арқылы биржалық ақпараттың қандай да бір түрі (мысалы, Биржа жаңалықтары) белгілі бір форматта және белгілі бір тұлғалар тобына ғана таратыла алады *(осы тармақ Биржалық кеңестің 2012 жылдың 27 қыркүйегіндегі шешімімен өзгертілген)*.
2. Биржалық ақпараттың қандай да бір түрін топтық тарату арқылы таратылуының мақсаттылығын, сондай-ақ таратылатын биржалық ақпараттың форматы мен құрамын, Қазақстан Республикасының заңнамасында және Биржаның ішкі құжаттарында белгіленген нормаларды ескере отырып, Биржа өзі анықтайды.

14 бап. Биржалық ақпаратты жеке беру арқылы тарату

Биржалық ақпаратты кейбір тұлғаларға жеке беру арқылы тарату, мүдделі тұлғаның тиісті жазбаша сауалына жауап ретінде жүзеге асырылады. Бұл ретте, Биржа Президенті немесе, биржалық ақпаратты тарату мәселелеріне жетекшілік ететін, Биржа Басқармасының мүшесі, егер өзгесі Қазақстан Республикасының заңнамасында және/немесе Биржаның ішкі құжаттарында белгіленбесе, айтылмыш сауалдың мақсаттылығы және/немесе оны орындау мерзімдері бойынша өз бетінше шешім қабылдауға құқылы.

15 бап. Биржалық ақпаратты таратуды шектеу

1. Биржа мынадай биржалық ақпараттарды :
 - 1) Биржаның қызметін ұйымдастыруға жататын және Биржа қызметкерлерінің пайдалануына арналған;
 - 2) Биржа және/немесе өзге тұлғалардың коммерциялық немесе заңмен қорғалатын құпиясына жататын *(осы тармақша Биржалық кеңестің 2012 жылдың 28 мамырындағы шешімімен өзгертілген)*;
 - 3) мемлекеттік құпияның құрамына кіретін мәліметтерді таратпайды.

2. Биржалық кеңес биржалық ақпараттың кейбір түрлерін таратуға шектеу қоюға құқылы.
3. Биржа, акционерлік қоғамдар және бағалы қағаздар нарығы туралы Қазақстан Республикасының заңнамасымен рұқсат етілген, заңды тұлға және акционерлік қоғам ретінде Биржа туралы жалпы ақпаратты таратуға шектеулерді қолданады.

3 тарау. ТЕГІН БИРЖАЛЫҚ АҚПАРАТ

16 бап.

Тегін таратылатын биржалық ақпараттың тізімі

1. Биржа тегін таратылатын биржалық ақпараттарға:
 - 1) осы Ережелердің 2 бабы 2 тармағының 1)-5), 7) және 8) тармақшаларында сипатталған, кез келген түрде таратылатын ақпаратты;
 - 2) осы Ережелердің 2 бабы 2 тармағының 6) тармақшасында белгіленген, келесідей таратылатын:
 - Биржа сайтында орналастырылған (трансляцияланған) ақпарат түрінде, жариялау үшін әдейі 15 минутқа кідірілген ақпаратты;
 - орналастыру тәртібі мен форматын тек Биржа белгілейтін, туынды және мұрағаттық ақпарат түрінде Биржа сайтында орналастырылған ақпаратты;
 - Биржаның баспасөз басылымдарында еркін таратылатын (мысалы, Биржаның жылдық есеп беруіндегі) жарияланымдарды;
 - осы тараудың 14 бабына сәйкес кейбір тұлғаларға жеке беру арқылы таратылатын ақпаратты жатқызады.

(Осы тармақ Биржалық кеңестің 2012 жылдың 27 қыркүйегіндегі шешімімен өзгертілген);

2. Осы баптың 1 тармағындағы нормалар осы Ережелердің 18 бабының 1 тармағында белгіленген ерекшеліктерді ескеріп, және осы ақпараттар Биржаның ақпараттық өнімі құрамында ғана беріліп, аталған ақпараттарға қатысты болмаған жағдайда, қолданылады. если ее предоставление осуществляется в составе информационных продуктов Биржи.

17 бап.

Биржалық ақпаратты тегін алу құқығы

1. Биржалық ақпаратты тегін алу құқығы беріледі:
 - 1) Уәкілетті орган *осы тармақша Биржалық кеңестің 2012 жылдың 27 қыркүйегіндегі шешімімен өзгертілген);*
 - 2) өндіруіндегі істер бойынша жауап алу және алдын ала тергеу органдары;
 - 3) өндіруіндегі істер бойынша, соттар;
 - 4) қарауындағы материалдар бойынша, прокуратура органдары;
 - 5) атқарушылық өндіруіндегі істер бойынша, атқарушылық өндіру органдары;
 - 6) нақты тексерілетін тұлғаларға салық салу сұрақтары бойынша, салық органдары;
 - 7) Биржа мүшелерінің сауалдары бойынша, Биржа өткізген саудасаттығында Биржада айналысқа жіберілген қаржы құралдарымен жасалған мәмілелер туралы, сондай-ақ, олардың Биржа саудасаттығында мәміле жасасуға берген өтінімдері туралы (соның ішінде мұрағаттық ақпараттарды) Биржа мүшелері;

- 8) Биржада айналысқа жіберілген бағалы қағаздар эмитенттерінің сауалдары бойынша, Биржа өткізген сауда-саттығында осы эмитенттердің бағалы қағаздарымен жасалған мәмілелер туралы, сондай-ақ, олардың Биржа сауда-саттығында осы бағалы қағаздармен мәміле жасасуға өтінімдері туралы (осы Ережелердің 15 бабында белгіленген шектеулерді ескере отырып) бағалы қағаздар эмитенттері тегін алуға құқылы.
2. Ерекше жағдайларда Биржа Президенті немесе, биржалық ақпаратты тарату сұрақтарына жетекшілік ететін, Биржа Басқармасының мүшесі, осы баптың 1 тармағында белгіленген тұлғалардан басқа, биржалық ақпараттарды өзге тұлғаларға жеке тегін беру туралы шешім қабылдауы мүмкін. Осындай ақпарат беру бір дүркін сипатта болып, осы баптың 18 тармағының 1 тармақшасында белгіленген ерекшеліктерді ескере отырып, жүзеге асырылады.

18 бап. Биржалық ақпаратты тегін таратудағы ережеден тыс жағдайлар мен шектеулер

1. Биржа кейбір тұлғаларға, тегін таратылатын ақпаратты жеке бергені үшін ақы алуға құқылы, егер:
 - 1) осылай ақпарат беру Биржадан айтарлықтай шығындарды талап етсе (ақпаратты белгілі бір форматқа келтіру, базалық ақпараттың шығыс массивінен іріктеу, Биржаның байланыс арналарын қолдану және басқасы);
 - 2) осылай ақпарат беру Қазақстан Республикасының заңнамасында және Биржаның ішкі құжаттарында тікелей белгіленбесе.Ақы көлемін, ақы алу шарты мен тәртібін, осындай ақпаратты беруге Биржаның нақты шығындарын ескере отырып, Биржа Президенті анықтайды.
2. Егер ерекше жағдайларда өзгесін Биржа Президенті немесе, биржалық ақпаратты тарату сұрақтарына жетекшілік ететін, Биржа Басқармасының мүшесі белгілемесе, осы тараудың 16 және 17 бабының күші қолданылмайтын, кез келген биржалық ақпарат ақылы таратылады.

19 бап. Тегін биржалық ақпаратты қайталап тарату

1. Биржа тегін тарататын биржалық ақпараттарды таратуға тегін құқықты кез келген тұлғаларға береді, егер осы тұлғалар мынадай шарттарды орындаса:
 - 1) осындай ақпарат таратуда Биржа осы ақпараттың өндірушісі және қайнар көзі деп көрсетілуі тиіс;
 - 2) осындай ақпарат тарату осы ақпараттың әдейі немесе кездесейтін бұрмалауысыз жүзеге асырылуы тиіс;
 - 3) осындай ақпарат тарату тегін жүзеге асырылуы тиіс;
 - 4) осындай ақпарат тарату бір дүркін немесе эпизодтық (тұрақты емес) сипатта болуы тиіс.
2. Биржа тегін тарататын биржалық ақпаратты кез келген тұлғалардың ақпараттық өнімінен енгізу және/немесе осындай ақпаратты әрдайы таратуы (мысалы, Интернет желісінде әрдайым тарату немесе трансляциясы) тек Биржамен жасалған тиісті келісім негізінде немесе Биржадан жазбаша келісіміне сәйкес, осындай атаратудың шарттары мен мерзімдері көрсетіліп, жүзеге асырылады.

20 бап. Биржалық ақпаратты Биржа мүшелері қайталап таратуы

Биржа мүшелері сауда-саттық жүйесі терминалы арқылы алған биржалық ақпаратты тек өз клиенттеріне және осы ақпарат, клиенттермен Биржада мәмілелер жасасу үшін Биржа мүшесі орнатқан, сауда-саттық терминалдары арқылы клиенттерге берілген жағдайда ғана, тегін таратуға құқылы.

Биржа мүшелерінің биржалық ақпаратты өзге амалдармен және/немесе өзге мақсаттарға таратуы тек Биржамен жасалған келісім-шарт негізінде ғана жүзеге асырылады.

4 тарау. БИРЖАЛЫҚ АҚПАРАТТЫ КОММЕРЦИЯЛЫҚ ТАРАТУЫ

21 бап. Биржаның ақпараттық өніміне қатысты жалпы қағидалар

1. Биржа биржалық ақпаратты коммерциялық негізде (ақылы) ақпараттық өнім түрінде таратады. Осындай ақпараттық өнімдердің тізімін, олардың құрамын, форматын, маманданымын және тарату шарттарын Биржа Басқармасы анықтайды. Ақпараттық өнімдердің тарифтері, соның ішінде үшінші жақтарға таратудың (қайталап таратудың) тариятері, сондай-ақ ақпараттық өнімге төлеу тәртібі Биржаның ішкі құжаттарында белгіленеді. Айтылмыш тарифтер Биржалық кеңестің бюджет және стратегиялық жоспарлау Комитетімен келісіледі.
2. Биржаның ақпараттық өнімдері кез келген үшінші жақтарға Биржа мен осындай тұлғалар арасында жасалған келісім-шарт негізінде (осы таратудың 23 бабында белгіленген ерекшеліктерді ескере отырып) беріледі.

22 бап. Биржаның ақпараттық өнімін қайталап тарату

1. Биржаның ақпараттық өнімін алатын (алған) тұлғалар және оны кез келген мақсатта таратуға көздегендерді (таратушыларды) Биржа осы ақпараттық өнімнің таратушылары деп топтастырады. Биржаның ақпараттық өнімін таратушылармен таратылуы, Биржа мен таратушылар арасында жасалған, келісім-шарт негізінде, осы таратудың 21 бабының 1 тармағында сілтеме берілген, тарифтік шарттарды қолдана отырып, жүзеге асырылады.
2. Биржаның ақпараттық өнімін таратушылардан алатын (алған) тұлғалардың оны тарату тәртібі Биржаның ішкі құжаттарында анықталады.
3. Биржаның ақпараттық өнімін өңдеу нәтижесінде алынған туынды ақпаратты, осы ақпараттық өнімді алатын, тұлғалармен тарату тәртібі Биржаның ішкі құжаттарында анықталады.

23 бап. Ақпараттық өнімді берудің айрықша шарттары

Кейбір жағдайларда, егер қандай да бір ақпараттық өнім алу бойынша қандай да бір тұлға Биржамен келісім-шарт жасасуы үшін сынақ кезеңі қажет болған жағдайда, қандай да бір ақпараттық өнімге қатысты сынақ кезеңі тағайындалуы мүмкін. Осындай сынақ кезеңін тағайындау бойынша шешімді Биржа Президенті немесе, ақпарат тарату сұрақтарына жетекшілік ететін, Басқарма мүшесі шешім қабылдайды. Бұл ретте, сынақ кезеңінің ұзақтылығы 90 күнтізбелік күннен аспауы тиіс.

24 бап. Өкілетті компания

Биржа қандай да бір ақпараттық өнімді (қандай да бір ақпараттық өнімдерді) тарату бойынша өз өкілеттілігін (немесе өкілеттілігінің бір бөлігін) өзге тұлғаға - өкілетті компанияға құқық беруге құқылы. Биржа және өкілетті агенттік арасындағы қарым-қатынастар Биржа мен өкілетті компания арасында жасалған келісім-шартта белгіленеді.

(Осы бап Биржалық кеңестің 2012 жылдың 28 мамырындағы және 2014 жылдың 08 тамызындағы шешімімен өзгертілген)

5 тарау. АЙРЫҚША ҚАҒИДАЛАР

25 бап. Биржа жауапкершілігін шектеу

1. Биржалық ақпараттарды әдеттегі тәртіпте таратуға кедергі болатын (болған), игерілмейтін күштер жағдайлары орын алған кезде, осы Ережелерде белгіленген тәртіптерді бұзушылығына жауапты болмайды. Айтылмыш жағдайлар деп кез келген төтенше және жол бермеуге болмайтын жағдайларды, Биржа тарапынан саналы бақылауға жатпайтын, Биржа алдын ала болжай алмаған және биржалық ақпаратты әдеттегі тәртіпте тарату мүмкіншілігіне кедергі болатын (болған) және тікелей ықпал еткен жағдайды түсіну керек.
2. Биржалық ақпараттарды таратуда қолданылатын бағдарламалық және техникалық құралдарының жұмысқа қабілеттілігін қадағалап отыруға Биржа ұмтылады, бірақ жұмыстағы кедергілерге байланысты (сыну, бұзылу) немесе аталған құралдардың жоғалуы нәтижесінде осы Ережелерде белгіленген биржалық ақпараттарды тарату шарттары мен тәртібін бұзуына жауапты болмайды.
3. Егер ақпараттарды Биржа өзінің мүшелерінен, рұқсат ету бастамашыларынан және бағалы қағаздар эмитенттерінен Биржа алдында міндеттерін орындауына орай алған, Биржаның сауалдарына жауап ретінде берілген немесе Биржа мүшелерінің, рұқсат ету бастамашыларының немесе бағалы қағаздар эмитенттерінің бастамасымен ұсынылған ақпараттар болса, Биржа мүшелері және Биржада айналысқа жіберілген бағалы қағаздар эмитенттері туралы ақпараттардың растығына Биржа жауапты болмайды. Осы ақпараттарды өндіруде, Биржа айтылмыш хабарламалар мен құжаттардың растығын тексермейді. Бұл ретте, Биржа осындай ақпараттарды ашу бойынша барлық қол жетерлік саналы күш-жігерін жұмсайды.
4. Биржа тарататын кез келген ақпаратты бағалы қағаздар нарығының субъектілері және өзге де тұлғалар қаржы құралдарын сатып алу немесе сату бойынша, ақша инвестициялары немесе қаржы нарығындағы кез келген өзге де операцияларды жүзеге асыру бойынша нұсқау ретінде қабылданбауы тиіс.

26 бап. Зияткерлік меншік

Биржаға, зияткерлік меншік ретінде, биржалық ақпараттар мен Биржа өндірген ақпараттық өнімге айрықша құқықтар тиесілі; осы ақпараттар мен ақпараттық өнімдердің тұтынушыларына тек осыларды пайдалану құқығы беріледі.

Биржалық ақпараттар мен Биржа өндірген ақпараттық өнімді қайталап тарату осы Ережелердің 19 және 22 баптарына сәйкес жүзеге асырылады

Президент

Қ.Қ.Дамитов